

木蘭辭

唧唧復唧唧，木蘭當戶織。不聞機杼聲，惟聞女嘆息。
 問女何所思，問女何所憶。女亦無所思，女亦無所憶。
 昨夜見軍帖，可汗大點兵，軍書十二卷，卷卷有爺名。
 阿爺無大兒，木蘭無長兄，願為市鞍馬，從此替爺征。
 東市買駿馬，西市買鞍韉，南市買轡頭，北市買長鞭。
 旦辭爺娘去，暮宿黃河邊，不聞爺娘喚女聲，但聞黃河
 流水鳴濺濺。旦辭黃河去，暮至黑山頭，不聞爺娘喚女
 聲，但聞燕山胡騎鳴啾啾。萬里赴戎機，關山度若飛。
 朔氣傳金柝，寒光照鐵衣。將軍百戰死，壯士十年歸。
 歸來見天子，天子坐明堂。策勛十二轉，賞賜百千強。
 可汗問所欲，木蘭不用尚書郎，願馳千里足，送兒還故
 鄉。爺娘聞女來，出郭相扶將；阿姊聞妹來，當戶理紅
 妝；小弟聞姊來，磨刀霍霍向豬羊。開我東閣門，坐我
 西閣床，脫我戰時袍，著我舊時裳。當窗理雲鬢，對鏡
 帖花黃。出門看火伴，火伴皆驚忙；同行十二年，不知
 木蘭是女郎。雄兔腳撲朔，雌兔眼迷離；雙兔傍地走，
 安能辨我是雄雌？

唧	唧	復	唧	唧	，	木	蘭	當	戶	織	。	不	聞	機	杼	聲	，	惟	聞	女	嘆	息	。
問	女	何	所	思	，	問	女	何	所	憶	。	女	亦	無	所	思	，	女	亦	無	所	憶	。
昨	夜	見	軍	帖	，	可	汗	大	點	兵	，	軍	書	十	二	卷	，	卷	卷	有	爺	名	。
阿	爺	無	大	兒	，	木	蘭	無	長	兄	，	願	為	市	鞍	馬	，	從	此	替	爺	征	。
東	市	買	駿	馬	，	西	市	買	鞍	韉	，	南	市	買	轡	頭	，	北	市	買	長	鞭	。
旦	辭	爺	娘	去	，	暮	宿	黃	河	邊	，	不	聞	爺	娘	喚	女	聲	，	但	聞	黃	河
流	水	鳴	濺	濺	。	旦	辭	黃	河	去	，	暮	至	黑	山	頭	，	不	聞	爺	娘	喚	女
聲	，	但	聞	燕	山	胡	騎	鳴	啾	啾	。	萬	里	赴	戎	機	，	關	山	度	若	飛	。
朔	氣	傳	金	柝	，	寒	光	照	鐵	衣	。	將	軍	百	戰	死	，	壯	士	十	年	歸	。
歸	來	見	天	子	，	天	子	坐	明	堂	。	策	勛	十	二	轉	，	賞	賜	百	千	強	。
可	汗	問	所	欲	，	木	蘭	不	用	尚	書	郎	，	願	馳	千	里	足	，	送	兒	還	故
鄉	。	爺	娘	聞	女	來	，	出	郭	相	扶	將	；	阿	姊	聞	妹	來	，	當	戶	理	紅
妝	；	小	弟	聞	姊	來	，	磨	刀	霍	霍	向	豬	羊	。	開	我	東	閣	門	，	坐	我
西	閣	床	，	脫	我	戰	時	袍	，	著	我	舊	時	裳	。	當	窗	理	雲	鬢	，	對	鏡
帖	花	黃	。	出	門	看	火	伴	，	火	伴	皆	驚	忙	；	同	行	十	二	年	，	不	如
木	蘭	是	女	郎	。	雄	兔	腳	撲	朔	，	雌	兔	眼	迷	離	；	雙	兔	傍	地	走	，
安	能	辨	我	是	雄	雌	？																

